

M226: Pfaffe Lambrecht: Tobias

0,1 Krist unser hêrre welle uns geben .
0,2 daz wir hier sô rehte geleben .
0,3 daz wir zuo den himelen varen .
0,4 in der vorderen schare .
0,5 dâr ist stâtelîche sælicheit
0,6 und aller vröuweden rîchheit
0,7 des bittet der pfaffe Lambrecht .
0,8 al ne ist er niht an got gereht
0,9 sô zelt er sich doch under die .
0,10 die sich zuo deme rehte willent geziehen .
0,11 nû wile ich ein getihte machen .
0,12 daz rüeret manige guote sachen .
0,13 sôweme sîn muot dâ nâch stât
0,14 daz er sich wærlîche begât .
0,15 unde habet her danne der sêlen ruoch
0,16 –[...] –[...] sô minnet er diz buoch .
0,17 iz lêret ine vile –[...]
0,18 –[...] nâh vâhen .
0,19 daz er schoener hebede pfliget .
0,20 unde –[...] –[...] .
0,21 iz wîset ouch den boesen .
0,22 wie er sich mac von sünden loesen
0,23 durch buoz die habet des gewalt .
0,24 der manigen wunder hât gestalt
0,25 dâr umbe mache ich diz getihte .
0,26 daz ich eteswene dâr mite berihte .
0,27 iz –[...]
0,28 daz er iuch almitalle entziehet .
0,29 von unrehteme gewinne .
0,30 nû hoeret wie ich des beginne .
0,31 iz ist geschriben von Tobi .
0,32 in testamento veteri
0,33 –[...] –[...] .
0,34 daz quît von deme alteme getihte .
0,35 –[...] jungen man .
0,36 dâr umbe ich doch der began .
0,37 der –[...]
0,38 –[...] . ime Tobias .

0,39 unde saget daz her den lîp gewünne
0,40 –[...] –[...]
0,41 unde diutet ouch mêre .
0,42 von welicheme lande daz er wære .
0,43 –[...] Naasson .
0,44 die stiftete Nepthalim unde Zabulon .
0,45 ze –[...] –[...] .
0,46 dâr vore ein küninc mit sîneme here .
0,47 Salmanazar was her genant
0,48 her verherejete dô al daz lant .
0,49 unde vienc die er wolte vâhen
0,50 und hiez ze Ninivên si gân .
0,51 dâ was Salmanazar gesezzen .
0,52 ein küninc gar vermezzen
0,53 von ime [l]iten si grôzen arbeit .
0,54 also man den gefangenen teit
0,55 sie hatten gebiten ane ein kalp .
0,56 daz ze niwihete ne half .
0,57 –[...] plâge .
0,58 si muosten dinsen unde tragen .
0,59 beide steine und mortersant
0,60 mit mûren zuo vesten deme die lant .
0,61 Tobias was der gefangenen ein
0,62 –[...] schein .
0,63 sôwie sô er iz ane gevie .
0,64 er ne –[...]
0,65 unde alsô man sîne genôze dwanc .
0,66 ezzeliche –[...]
0,67 daz si swînîn vleisch âzen .
0,68 si ne torsten iz niet lâzen
0,69 –[...] den apgoten gap .
0,70 daz zuo – iren ê niet ne traf .
0,71 –[...] –[...] .
0,72 unde ne wolte es niet . gemeine sîn .
0,73 durch necheine –[...] nôt
0,74 –[...] wan diz die ê verbôt .
0,75 unde er was nochdanne ein kint
0,76 –[...] si nû sint .
0,77 von den heiligen manne Tobi .
0,78 –[...] mac man jâmer hoeren .
0,79 von einen israhêlischen man
0,80 des namen ich niet bejien kan .
0,81 her was gereht unde ein guot man .
0,82 unde –[...]
0,83 –[...] hiez in ezzen swînîn vleisch .
0,84 her ne hât es –[...] –[...]
0,85 wan iz gienc zuo sîner swær
0,86 her vohte den tôt niet sêre .

0,87 –[...] –[...] her erslân
0,88 alsô man sîneme wîbe getân
0,89 dâr nâch ersluoc man ouch sîne kint
0,90 die alle in gotes rîche sint .
0,91 wan in liebere was der tôt
0,92 danne daz ein tæte daz die ê verbôt .
0,93 nû ne habe man . der necheinen wân
0,94 Tobias lîhte hette sô getân
0,95 der in sô verre hette getriben
0,96 des lîbes hette her êr verzigen
0,97 alle die hier nû sint
0,98 der heiliger kristenheite kint
0,99 die hier in gote sint getouft
0,100 die her wider hât gekouft
0,101 mit necheineme anderen guote
0,102 mær mit sînes selbes bluode
0,103 daz si dit niet ne merken
0,104 sô dicke sô si sich verwerken
0,105 sô dicke sô sie die dinc ane gân
0,106 die wider ire rehten ê stân
0,107 unde tuont daz unbedwungen
0,108 beide die alten unde die jungen .
0,109 ich ne rede iz niet umbe den tôt
0,110 mær umbe aller slahten nôt .
0,111 sô tuont sie alle sünden
0,112 die sich wole vore hüeten kunnen
0,113 unde ne haben sich des necheine mâze
0,114 die rehte himelstrâze
0,115 die lâzen si in bevellen
0,116 unde nemen den stîc zuo der hellen .
0,116a von Tobien
0,117 hier muget ir guote dinc verstân
0,118 Salmanazar liez Tobien ledic gân
0,119 swar sô er wolte über lant
0,120 dô man die andere vezzerete unde bant .
0,121 in liez man von allen werke vrî
0,122 sus saget uns diz buoch Tobi
0,123 unde gap ime dicke schoene gebe .
0,124 liep was ime Tobias leben .
0,125 Tobias der entkante sich
0,126 unde streich aller jâre gelîch
0,127 heime deme gewâren gote ze vlêhen
0,128 zuo der burc ze Jerusalêm
0,129 unde ich sage iuch wes er noch pflac
0,130 sôwâ er sînen genôze sach
0,131 vile minnelîche er ine gruozte
0,132 sîne nôt er ime buozte
0,133 unde alles des er verwielt

0,134 daz ziende teil er gote behielt .
0,134a von Tobien und Gabelo
0,135 nû vernemet eine tugend grôz
0,136 dar quam ein sîn genôz
0,137 Gabel was er genant .
0,138 durch hunger sô rûmete er sîn lant .
0,139 zien marc er ime gap
0,140 in einen redelichen tac
0,141 sôwanne sô er es gegetete
0,142 daz er si ime wider gewerete .
0,143 Gabelo daz vile wole lêch
0,144 wider her ze Rages streich .
0,145 Rages stât durch Mêdenlant
0,146 dar der engel sint wart gesant .
0,147 Raguel was ein guot man genant
0,148 der quam gegangen in daz lant
0,149 unde dolete grôze nôte .
0,150 Tobias tete ime michel güete .
0,151 sus vertete er daz er gewan .
0,152 diz sulen merken die rîche manne
0,153 die sich sô vaste twengen
0,154 daz sie der sielen niet ne gedingen .
0,155 alse Tobias zuo sînen tagen quam
0,156 eine sîne genôzen daz er nam .
0,157 vile wole her sich betruoc
0,158 der küninc gap ime genuoc .
0,159 nû wart der küninc dannen vertriben .
0,160 daz ist in libro regum geschriben .
0,161 her ne torste dâ belîben niht mê
0,162 unde vlôh zuo Ninivê
0,163 unde nam den knappen Tobien mite
0,164 durch sînen vile guoten site
0,165 unde habete ine unde sîn wîp
0,166 mit genâden allen sînen lîp .
0,167 sus rûmete Tobias sîn lant .
0,168 Anna was sîn wîp genant .
0,169 dâr nâh über unmanigen tac
0,170 eines Kindes si gelac .
0,171 zuo den ahtendeme tage dô man iz besneit
0,172 alse man an der alten ê teit
0,173 nâh den vater nante man daz kint .
0,174 iz getrôste inen vile wole sint .
0,174a von Tobias
0,175 Tobias kârte sînen sin
0,176 ûfe daz himelische gewin .
0,177 die siechen unde ouch die armen
0,178 die liez er sich erbarmen .
0,179 den weisen offenete er sîne porte

0,180 durch die gotes vorhte .
0,181 al unrehtes was ime leit
0,182 deme nacheteme gap er daz kleit
0,183 deme hungerigeme gap er daz er geaz .
0,184 zuo neheiner güete was er laz .
0,185 die gevangene trôste er alle zît .
0,186 er tete alse Salomon quît
0,187 “sôwê die gotesvorhte hüete
0,188 der ne vergizzet necheiner güete .”
0,189 der sîner woletæte
0,190 durch der sêlen geræte
0,191 dirre saget uns daz buoch michel mê
0,192 danne ich der iuch hier bejê .
0,193 an sînen gelouben was er vast
0,194 daz dâr niht ane gebrast
0,195 newære man ne wiste wie her sich gehæte
0,196 die man von deme lîbe entsette .
0,196a Tobias
0,197 Nînus stifte Ninivê .
0,198 sîn altervater was der hêre Nôê .
0,199 Assur was er genant
0,200 dô er wonete in Babilônien lande
0,201 dâ er den turn half stihten
0,202 mit listen ouch mit –[...] .
0,203 si pflâgen al einer zungen
0,204 beide die alten unde die jungen .
0,205 si wânten zuo himele klimmen
0,206 unde gedâhten alse die tumben .
0,207 daz entwarhte gotes râche
0,208 unde wandelete ire sprâche .
0,209 iegelich die des werkes pflac
0,210 her ne wiste waz der ander sprach
0,211 dô beleip der turn alsô
0,212 unde was vier tûsent vuoze hôh .
0,213 die morder noch der stein
0,214 der ne lac dâr ane nechein .
0,215 iz wâren gebackene ziegelen
0,216 sô daz sie niet ne vielen
0,217 sô was iz mit harze gespîset
0,218 sus habet man mich gewîset .
0,219 dô begunde in dâ ze leiden
0,220 dô gienc iz an ein scheiden .
0,221 sie entgateten sich wîte über lant
0,222 iegelich dâ er sîn gemach vant .
0,223 dannen quam Nînus zuo Ninivê .
0,224 uns saget des prophêten buoch
0,225 den der visch dare truoc
0,226 “sô grôz sô sî Ninivê

0,227 daz si drî tageweide bevie”
0,228 wir ne bedorften der rechen niet mê
0,229 newære von ime quam ein kint
0,230 daz stifte Triere sint .
0,230a Tobias
0,231 nû reden wir zuo stunten
0,232 von deme ich des begunde .
0,233 nû starp der küninc Salmanazar .
0,234 ouwî wie sêre er Tobien erbar
0,235 sîn sun quam dâr nâh in daz lant .
0,236 sînes rîches er sich underwant .
0,237 Sennacherip er hiez .
0,238 niemanne er mit guote ne liez .
0,239 Tobien nam er alle sîne trage .
0,240 des ne tet er nie necheine klage
0,241 dâr nâh hiez er allez erslân
0,242 die dâr gote wæren undertân .
0,243 Tobias begruop si alle samen
0,244 durch des gewâren gotes namen .
0,245 der küninc samenete michel here nam er dâ
0,246 unde vuor in daz lant zuo Juda .
0,247 durch sînen ungelouben
0,248 wolte her Jerusalem rouben .
0,249 got gestillete daz ungemach
0,250 eines nahtes dô er in sînen gezelte lac
0,251 der slânte engel under sie quam .
0,252 vile manigeme her den leben nam .
0,253 danne muoste er vliehente rîten .
0,254 diz geschach in Ezechieles zîten .
0,255 der küninc ze Jerusalem was
0,256 des erbat Isaias .
0,257 alse er wider quam ze Ninivê
0,258 des leides tete er dô michel mê .
0,259 dô hiez er alle die tôt slân die ê hetten
0,260 unde ane got gedæhten .
0,261 nû ne weiz ich wie er iz ane huop
0,262 daz si Tobias begruop .
0,263 sînen mannen er gebôt
0,264 daz er es –[...] den tôt .
0,265 Tobias rûmete ûze der stat
0,266 unde sich alsô hette besat
0,267 daz hê si nahtes begruop
0,268 die der küninc des tages ersluoc .
0,269 after den vinf unde vierzic tagen
0,270 sô wart Sennacherip geslagen .
0,271 ine sluogen sînes selbes kint .
0,272 war denken die dâr kristen sint
0,273 daz si gote vlêhen

0,274 unde vehten ûfe Jerusalem .